

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KT 0059532 24
Zenica, 10.07.2025. godine

OPĆINSKOM SUDU U VISOKOM

Na osnovu člana 45. stav 2. tačka i) u vezi sa članom 241. Zakona o krivičnom postupku
F BiH, p o d i ž e m

O P T U Ž N I C U

Protiv

1. Š. S., neosuđivan,
2. B. N., osuđivan,

Što su:

Dana 16.07.2024. godine, u O., Š. S. ugrozio sigurnost druge osobe ozbiljnom prijetnjom da će napasti na njen život, na način da je uputio više glasovnih poruka preko aplikacije „Messenger“, svojoj bivšoj vanbračnoj supruzi H. E. iz O., sadržaja: „Eto me u O.. Naći ću te i zaklati. Udavit ću te.“, te je zajedno sa B. N. došao u blizinu JU Dom zdravlja sa stacionarom, gdje se nalazila H.E., kada su zatečeni i kontrolisani od strane policijskih službenika .. u putničkom motornom vozilu marke „Golf A3“ reg. oznaka .., kojim je upravljao B. N. i koji je posjedovao nož plave drške, sječiva dužine 17,5 cm, marke „DKK ERGOGrip“, drvena palica dužine 102 cm i sjekira dužine 90 cm, sa dužinom sječiva 11 cm koji predmeti su podesni za realizaciju prijetnji koje je Š. S. uputio H. E., iako je Š. S. znao i bio svjestan da na ovaj način ugrožava sigurnost svoje bivše vanbračne supruge, što je i htio, a B. N. da na opisani način pomaže Š. S. u ostvarivanju upućenih prijetnji, što je i htio, a koje prijetnje su kod oštećene H. E. izazvale strah i uznemirenost,

dakle, Š. S. ozbiljnim prijetnjama ugrozio sigurnost druge osobe, a B. N. pomagao u učinjenju krivičnog djela stavljanjem na raspolaganje sredstava za učinjenje krivičnog djela,

čime su počinili Š. S. krivično djelo Ugrožavanje sigurnosti iz člana 183. stav 1. KZ F BiH, a B. N. krivično djelo Ugrožavanje sigurnosti iz člana 183. stav 1. KZ F BiH u vezi sa članom 33. KZ F BiH.